

H S G 818

Wiener Hs. 4476

bei Salzburg  
Seekirchen 1446.

## Wassersegen

fol. 1a Nota der Wasser segen

Das Wasser müs als sälig sein als wol gese-  
gent sein als der heilig Jordan was da got  
selb inn getauft ward das was unser liber  
herr Jhesus Christus Amen

Ich gesege dich heut die vermelten Wunden  
mit den rechten Charakteren unsers liben herren  
Jhesu Christi das dw dein sbern und dein  
stelken dein vaulen und dein sauren und als  
ungelukch ~~ist~~ es sein fleugen Spinen oder  
würm oder welicher untugent das sey das  
dyssem wasser oder dyser wunden schad sey  
das müß von dysen worten tod sein dy ich  
hy gesege han mit dem warn got das ist war  
in gotes namen Amen.

Tu benedictor herr Jhesu Christe dein heylich  
funf wunden und all dein heylich wunden dy  
erfaulden noch ersaurten sy ensmackten noch  
entrockten sy enflussen noch enrüssen sy  
entorten ny da slüg ny chain ungelukch zw  
also müß zw disem wasser und zw dyser wunden  
tün dy ich hy gesege han mit dem waren got  
das ist war in gotes namen Amen.

Unserem liben herren Jhesu Christi sein  
heilig funf wunden und all sein wunden dye  
hailten vil vast und stat pis auf den grunt  
da geslug ny chain unglukch zw also müs zw die-  
ser wunden tün So sey gestochen geslagen  
geschossen geprochen oder welicher lay untu-  
gent das sey das dyssem wasser oder dyser bun-  
den schad sey das müß von disen worten tod  
sein dye ich <sup>hy</sup> gesege han mit dem waren got  
das ist war in gotes namen Amen.